



Broj: 10/E-11-5223/23  
Sarajevo, 11-03-2024. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova I, imenovana rješenjem Opštinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke: Nabavka tehničke opreme za pretrage u teškim zimskim uslovima Službi za spašavanje u prirodi, na vodi i pod vodom (Zapisnik o pregledu i ocjeni ponuda broj: 10/E-11-5223/23 od 25.01.2024. godine), Opštinski načelnik d o n o s i

### **ODLUKU O IZBORU NAJPOVOLJNIJEG PONUĐAČA**

- I. Prihvata se ponuda prvorangiranog ponuđača „**Abc Sporting**“ d.o.o. **Banja Luka, ulica Branka Ćopića broj 1, 78000 Banja Luka**, broj: 192/23 od 09.10.2023. godine, za nabavku tehničke opreme za pretrage u teškim zimskim uslovima Službi za spašavanje u prirodi, na vodi i pod vodom, putem otvorenog postupka, sa umanjenom cijenom nakon provedene e-aukcije, u ukupnom iznosu od **61.000,00 KM bez PDV-a, odnosno 71.370,00 KM sa PDV-om**.
- II. Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originalne ili ovjerene kopije).
- III. Ugovorni organ će sa izabranim ponuđačem zaključiti Ugovor, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV. Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V. Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **Obrazloženje**

Postupak javne nabavke tehničke opreme za pretrage u teškim zimskim uslovima Službi za spašavanje u prirodi, na vodi i pod vodom, pokrenut je Odlukom Opštinskog načelnika o pokretanju postupka javne nabavke putem otvorenog postupka, broj: 10/E-11-5223/23 od 11.08.2023. godine.

Postupak javne nabavke nije podijeljen na lotove. Obavještenje o nabavci broj: 848-1-1-155-3-178/23 objavljeno je dana 20.09.2023. godine na Portalu javnih nabavki, a Sažetak Obavještenja o nabavci objavljen je u „Službenom glasniku BiH“ broj 67/23 – Oglasnik javne nabavke.

Procijenjena vrijednost javne nabavke iznosi ukupno 85.000,00 KM bez PDV-a.

U roku za predaju ponuda koji je određen tenderskom dokumentacijom (11.10.2023. godine do 11:00 sati), na adresu Ugovornog organa predate su dvije (2) ponude dostavljene od ponuđača: 1. "AQUABALKAN" d.o.o. Konjic i 2. "Abc Sporting" d.o.o. Banja Luka.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda, kao kriteriji „najniža cijena“, kako slijedi:

r/b	Ponuđač	Ukupno bez PDV-a (KM)	Popust	Ukupno sa popustom bez PDV-a (KM)	Ukupno sa popustom i PDV-om (KM)
1.	"AQUABALKAN" d.o.o. Konjic	84.944,44	/	84.944,44	<b>99.385,00</b>
2.	„ABC SPORTING“ d.o.o. Banja Luka	85.000,00	/	85.000,00	<b>99.450,00</b>

Nakon izvršenog javnog otvaranja ponuda, na zatvorenom sastanku Komisija I je pristupila detaljnom pregledu i analizi dokumentacije priložene uz dostavljene ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; formalne ispravnosti, ocjene tehničke i ekonomske prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija I je u prethodnom postupku, nakon provjere ispunjenosti formalno-pravnih, ekonomskih i tehničkih uslova, odnosno ispunjenosti zahtjeva ugovornog organa iz tenderske dokumentacije za predmetu nabavku, ustanovila da je ponuda ponuđača „Abc Sporting“ d.o.o. Banja Luka neprihvatljiva u smislu člana 2. stav (1) tačka l) al. 2) Zakona o javnim nabavkama („Službeni glasnik BiH“, broj 39/14 i 59/22), budući da navedeni ponuđač nije postupio u skladu sa tačkom 7.3.2. pod c) tenderske dokumentacije, odnosno tražene uzorke nije dostavio upakovane na način određen tenderskom dokumentacijom. Naime, u napomeni navedene tačke tenderske dokumentacije je jasno i nedvosmisleno navedeno da su ponuđači obavezni uzorke dostaviti u posebnoj kutiji uz ponudu, opečaćenoj pečatom ponuđača, u suprotnom će se ponude ponuđača odbaciti kao neprihvatljive.

Kako je Komisija I zaključila da ponuđač „Abc Sporting“ d.o.o. Banja Luka nije postupio u skladu sa članom 57. stav (1) Zakona o javnim nabavkama („Službeni glasnik BiH“, broj 39/14 i 59/22) kojim je propisano da se u postupku javne nabavke kandidat/ponuđač pridržava zahtjeva i uslova iz tenderske dokumentacije, to je u skladu sa naprijed navedenom zakonskom odredbom člana 2. stav (1) tačka l) al. 2), a u vezi sa članom 68. stav 4) tačka i) Zakona o javnim nabavkama, Komisija I je ponudu ponuđača „Abc Sporting“ d.o.o. Banja Luka isključila iz postupka.

U prethodnom postupku Komisija I je nakon izvršene računsku provjere utvrdila da u ponudi ponuđača „AQUABALKAN“ d.o.o. Konjic, odnosno u Obrascu za ponudu (Aneks 1.) i u Obrascu za cijenu ponude: – ROBE (Aneks 2.), postoje računске greške, detaljno navedene u dopisu broj: 10/E-11-5223/23 od 16.10.2023. godine i Zapisniku o pregledu i ocjeni ponuda broj: 10/E-11-5223/23 od 25.01.2024. godine.

S tim u vezi dopisom Ugovornog organa broj: 10/E-11-5223/23 od 16.10.2023. godine traženo je od ponuđača „AQUABALKAN“ d.o.o. Konjic da se pismeno izjasni o navedenom. Dana 17.10.2023. godine ponuđač „AQUABALKAN“ d.o.o. Konjic je putem elektronske pošte odgovorio i prihvatio ispravku računskih grešaka u Ponudi broj: 134/2023, u svemu kako je navedeno dopisu ugovornog organa, tako da cijena ponude iznosi ukupno bez PDV-a 84.944,25 KM, odnosno sa popustom i PDV-om 99.384,77 KM.

Nakon što je ponuđač „AQUABALKAN“ d.o.o. Konjic, dostavio saglasnost za ispravku računskih grešaka u dostavljenoj ponudi, za koju je utvrđeno da ispunjava formalno-pravne, ekonomske i tehničke uslove, odnosno zahtjeve ugovornog organa iz tenderske dokumentacije za predmetnu nabavku, kao i da je prihvatljiva, donesena je odluka o izboru najpovoljnijeg ponuđača broj: 10/E-11-5223/23 od 25.10.2023. godine, kojom je prihvaćena ponuda ponuđača „AQUABALKAN“ d.o.o. Konjic.

Protiv odluke o izboru najpovoljnijeg ponuđača broj: 10/E-11-5223/23 od 25.10.2023. godine podnesena je žalba izjavljena od strane ponuđača „Abc Sporting“ d.o.o. Banja Luka. Žalba je izjavljena Uredu/Kancelariji za razmatranje žalbi BiH, putem ugovornog organa u pisanoj formi, u dovoljnom broju primjeraka shodno članu 99. stav (2) Zakona o javnim nabavkama. Nakon što je utvrdio da je žalba blagovremena, dopuštena i izjavljena od od ovlaštenog lica i lica koje ima aktivnu legitimaciju, ali da navodi i žalbeni zahtjev nisu osnovani, ugovorni organ je sa izjašnjenjem žalbu prosljedio Uredu/Kancelariji za razmatranje žalbi BiH, Filijala/Podružnica Mostar, u skladu sa članom 100. stav (5) Zakona o javnim nabavkama. U međuvremenu, Odlukom Opštinskog načelnika broj: 10/E-11-5223/23 od 07.11.2023. godine obustavljen je postupak javne nabavke tehničke opreme za pretrage u teškim zimskim uslovovima Službi za spašavanje u prirodi, na vodi i pod vodom, o čemu su obaviješteni svi ponuđači učesnici u postupku javne nabavke.

Rješenjem Ureda za razmatranje žalbi, Filijala/Podružnica Mostar, broj: JN2-03-07-1-3226-8/23 od 07.12.2023. godine žalba ponuđača „Abc Sporting“ d.o.o. Banja Luka je usvojena, te poništena Odluka o izboru najpovoljnijeg ponuđača i Zapisnik o pregledu i ocjeni ponuda u postupku javne nabavke tehničke opreme za pretrage u teškim zimskim uslovovima Službi za spašavanje u prirodi, na vodi i pod vodom, i predmet vraćen ugovornom organu na ponovni postupak.

Postupajući u skladu sa stavovima i uputstvima Ureda za razmatranje žalbi BiH iz Rješenja broj: JN2-03-07-1-3226-8/23 od 07.12.2023. godine, Komisija I je izvršila ponovni detaljni pregled dostavljenih ponuda i uzoraka oba ponuđača „AQUABALKAN“ d.o.o. Konjic i „Abc Sporting“ d.o.o. Banja Luka, i tom prilikom, a u skladu sa shvatanjima Ureda za razmatranje žalbi BiH, konstatovala da obje ponude ispunjavaju formalno-pravne, ekonomske i tehničke uslove, odnosno da ispunjavaju zahtjeve ugovornog organa iz tenderske dokumentacije za predmetnu nabavku, kao i da su dostavljeni traženi uzorci za robe.

Komisija I je konstatovala da dostavljeni uzorci oba ponuđača odgovaraju zahtjevima i opisima iz tenderske dokumentacije, za robe pod rednim brojem 3 – Šator za tri osobe; rednim brojem 4 – Šator za dvije osobe; rednim brojem 11 – Bazni šator i rednim brojem 12 – Vreća za spavanje, iz Obrasca za cijenu ponude – ROBE (Aneks 2.).

Nadalje, Komisija I je konstatovala da su obje ponude prihvatljive u smislu Zakona o javnim nabavkama.

Detaljnijom računskom provjerom ispravnosti ponude ponuđača „Abc Sporting“ d.o.o. Banja Luka, Komisija I je u ponovnom postupku utvrdila da je podnesena ponuda računski ispravna, da je ispravno obračunata ukupna cijena ponuda sa PDV-om, te da je u prethodnom postupku ponuđač „AQUABALKAN“ d.o.o. Konjic prihvatio ispravku računskih grešaka u dostavljenoj ponudi tako da cijena njegove ponude iznosi 84.944,25 KM, odnosno sa popustom i PDV-om 99.384,77 KM.

Tenderskom dokumentacijom je predviđeno provođenje e-aukcije. E-aukcija u predmetnom postupku održana je dana 25.01.2024. godine sa početkom u 14:00 sati. U predviđenom periodu održavanja e-aukcije (14:00-15:18) ponuđači su podnijeli ukupno 66 novih cijena, izmijenjenih naniže u odnosu na početne cijene primljenih ponuda. Sistem e-Nabavke je dostavio Izvještaj o toku i završetku e-aukcije, broj postupka 848-1-1-155/23, na osnovu kojeg je izvršeno rangiranje ponuda.

Rangiranje ponuda prema kriteriju za izbor ponude „najniža cijena“, shodno članu 64. stav (1) tačka b) Zakona o javnim nabavkama, i rezultatu provedene e-aukcije, kako slijedi:

Rang	Ponuđač	Ukupno (KM) sa popustom bez PDV-a	Ukupno sa popustom i PDV-om (KM)
1.	„Abc Sporting“ d.o.o. Banja Luka	61.000,00	71.370,00
2.	„AQUABALKAN“ d.o.o. Konjic	61.400,00	71.838,00

Cijeneći sve prethodno navedeno, Komisija I je u daljem radu donijela jednoglasnu odluku da se Opštinskom načelniku dostavi

## PREPORUKA O PRIHVATANJU PONUDE

Prvorangiranog ponuđača "Abc Sporting" d.o.o. Banja Luka, ulica Branka Ćopića broj 1, 78000 Banja Luka, broj: 192/23 od 09.10.2023. godine, za nabavku tehničke opreme za pretrage u teškim zimskim uslovima Službi za spašavanje u prirodi, na vodi i pod vodom, putem otvorenog postupka, sa umanjenom cijenom nakon provedene e-aukcije u ukupnom iznosu od **61.000,00 bez PDV-a, odnosno 71.370,00 KM PDV-om**, sa kojim će biti zaključen Ugovor.

Opštinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu ove Odluke.

### Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama.

Naknada za pokretanje žalbenog postupka iznosi 2.000,00 KM u skladu sa članom 108. stav (1) tačka c) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.



OPŠTINSKI NAČELNIK  
Srdan Mandić

### Prilog:

Zapisnik o pregledu i ocjeni ponuda  
broj: 10/E-11-5223/23 od 25.01.2024. godine

### Dostaviti:

1. Ponuđač: „AQUABALKAN“ d.o.o. Konjic, ul. Kanjina do broja 1, 88400 Konjic
2. Ponuđač: „ABC SPORTING“ d.o.o. Banja Luka, ul. Branka Ćopića broj 1, 78000 Banja Luka
3. Službi za civilnu zaštitu
4. Kabinetu opštinskog načelnika - Odsjek za javne nabavke
5. Službi za finansije
6. U spis